

საქართველოს გენერალურ პროკურატურას

საქართველოს სახელმწიფო უსაფრთხოების სამსახურს

მპკ „საქართველოსთვის“ პოლიტიკური საბჭოს წევრების:

გიორგი ხოჯევაწიშვილის, ანა ზურგუკურის, მიხეილ დაუშვილის,

ნათია მეზვრიშვილისა და ზერდია სიჭინავას

(მისამართი: ქ. თბილისი, დ. უზნაძის ქუჩა №4, ტელ.: 2 22 05 04)

გ ა ნ ც ხ ა დ ე ბ ა

(გამოძიების დაწყებასთან დაკავშირებით)

მიმდინარე წლის 4 ივნისს, ტელეკომპანია „რუსთავი 2“-ის გადაცემაში „დამის კურიერი“, მოქალაქეთა პოლიტიკური გაერთიანება „ქართული ოცნება - დემოკრატიული საქართველოს“ თავმჯდომარემ - ირაკლი კობახიძემ, სატელევიზიო ინტერვიუს მიმდინარეობისას გაავრცელა შესაძლო დანაშაულის შემცველი ინფორმაცია, რომლის თანახმად, მიმდინარე წლის თებერვალში, მზადდებოდა შეთქმულება სახელმწიფო ხელისუფლების დასამხობად და ხელში ჩასაგდებად, რაში თანამონაწილეობისთვისაც ბრალი დასდო იმ დროისთვის ქვეყნის მოქმედ პრემიერ-მინისტრს - გიორგი გახარიას, პოლიციელებსა და ჯარისკაცებს, მისივე თქმით, უკრაინიდან და მოქალაქეთა პოლიტიკური გაერთიანება „ერთიანი ნაციონალური მოძრაობიდან“ მიღებული ინფორმაციის საფუძველზე.

სისხლის სამართლის საპროცესო კოდექსის 101-ე მუხლის 1-ლი ნაწილის თანახმად, გამოძიების დაწყების საფუძველია დანაშაულის შესახებ ინფორმაცია, რომელიც გამომძიებელს ან პროკურორს მიაწოდეს, გამოვლინდა სისხლის სამართლის პროცესის დროს ან გამოქვეყნდა მასმედიაში.

მასმედიაში ირაკლი კობახიძის მიერ გავრცელებული აღნიშნული ინფორმაცია შეიცავს შესაძლო მძიმე დანაშაულის ნიშნებს, რაშიც ეს უკანასკნელი ამხელს ყოფილ პრემიერ მინისტრს, მოქმედ პოლიციელებსა და ჯარისკაცებს.

აღნიშნული ფაქტის რეაგირების გარეშე დატოვება კიდევ უფრო მეტად აზიანებს სახელმწიფო ინტერესებს, გამოუსწორებელ რეპუტაციულ ზიანს აყენებს პოლიციასა და თავდაცვის ძალებს, სახელმწიფოს შიდა უსაფრთხოებასა და ქვეყნის საერთაშორისო იმიჯს.

გარდა აღნიშნულისა, როგორც ირაკლი კობახიძის ინტერვიუდან ირკვევა, ის უკანასკნელი 4 თვის განმავლობაში ფლობდა ამ ინფორმაციას, რაზეც რეაგირება არ მოუხდენია მაშინ, როდესაც ამის სამართლებრივი ვალდებულება გააჩნდა, რადგან დანაშაულის შეუტყობინებლობა იმის მიერ, ვინც ნამდვილად იცის, რომ მზადდება ან ჩადენილია მძიმე დანაშაული, წარმოადგენს სისხლის სამართლის კოდექსის 376-ე მუხლით დასჯად ქმედებას.

აღნიშნული ინფორმაციის, ირაკლი კობახიძის მიერ 4 ივნისის ეთერში გაჟღერება საეჭვოდ ემთხვევა მმართველი პარტიის ამჟამინდელი ლიდერების თითქმის 4 თვის განმავლობაში გაკეთებულ განცხადებებს, რომელთა თანახმად, ისინი ელოდებოდნენ გიორგი გახარიას

პოლიტიკაში გააქტიურებას, მის პოზიციონირებას და მხოლოდ ამის საფუძველზე გააკეთებდნენ შეფასებებს, რაც აჩენს საფუძვლიან ეჭვს, რომ მოქალაქეთა პოლიტიკური გაერთიანება „საქართველოსთვის“ დაფუძნებიდან რამდენიმე დღეში გაჟღერებული ეს ბრალდებები, შესაძლოა, პოლიტიკური ოპონენტის დისკრედიტაციასა და პოლიტიკური ნიშნით მის დევნას ემსახურებოდეს.

აღნიშნულიდან გამომდინარე, გთხოვთ:

- დაიწყოს გამოძიება მასმედიაში გასულ შესაძლო დანაშაულის შემცველ ინფორმაციაზე.
- გამოძიება ჩატარდეს ყოველმხრივ, სრულად და ობიექტურად.
- გონივრულ, მაქსიმალურად შემჭიდროებულ ვადებში გაეცეს პასუხი მმართველი პარტიის ამჟამინდელი თავმჯდომარის ირაკლი კობახიძის მიერ გაჟღერებულ ბრალდებებს აქვს თუ არა რაიმე საფუძველი, რადგან ყოველი დაგვიანებული დღე აზიანებს ჩვენი პოლიციისა და თავდაცვის ძალების ავტორიტეტს, რაც პირდაპირ აისახება ქვეყნის თავდაცვისუნარიანობაზე, სახელმწიფო უსაფრთხოებაზე და მართლწესრიგზე.
- გაჟღერებული ბრალდებების დაუდასტურებლობის შემთხვევაში, მოხდეს იმ პირთა სისხლისსამართლებრივი პასუხისმგებლობის საკითხის გადაწყვეტა, რომელთაც მძიმე დანაშაულის ჩადენის შესახებ, შესაძლოა, ცრუ დასმენა განახორციელებს.

პატივისცემით,

საქართველოს პარლამენტის წევრი, მპგ „საქართველოსთვის“

პოლიტიკური საბჭოს წევრი, გიორგი ხოჯევანიშვილი



საქართველოს პარლამენტის წევრი, მპგ „საქართველოსთვის“

პოლიტიკური საბჭოს წევრი, ანა ბუჭუკური



საქართველოს პარლამენტის წევრი, მპგ „საქართველოსთვის“

პოლიტიკური საბჭოს წევრი, მიხეილ დაუშვილი



მპგ „საქართველოსთვის“

პოლიტიკური საბჭოს წევრი, ნათია მეზვრიშვილი



მპგ „საქართველოსთვის“

პოლიტიკური საბჭოს წევრი, ბერდია სიჭინავა



07.06.2021